

卓濫秉南風毛筆。今已二週矣。所効勞於社會者。固自知未能裨益於千萬中之一。惟二年中。窃感謝上人作成之恩。同業觀摩之益。及長老友朋信愛指導之誠。使卓能以爨下殘餘之漢學參言。壇之一席。然茲因事務繁冗。不能從事筆墨。請暫辭南風報漢文主筆之職。其編輯事務。則統由同業友范瓊君再行組織。敬祝繼起諸君。各奮前途。及閱者列位。辰加贊助。指導使清風千古。長普遍於青山綠水間。而卓亦得爲閱者之一人。以辰辰披沐南風之薰。其欣幸爲何如也。此敬佈。

▲論金錢之勢力

范尙之國語原著

義園阮文桃譯出漢文

英國某文士有云。余囊中有一仙。亦占有這一仙圈限內之世界主權。旨哉言乎。於詼諧中寓箴砭之意。正寫出金錢有無限量之勢力也。何則。金錢之有勢力。其來久矣。至於今日。尤爲勢力大膨漲之辰期。微特國法鄉例風化綱常。不能比其勇猛。極至於最高尙之名譽。最親熱之愛情。乃吾人獨一無二之動力。終亦不能與之競勝。較其強權。甚矣。錢之無敵於天下也。夫惟錢既有此無限之勢力。是以世之人珍之愛之崇拜之信仰之。而錢遂儼然爲世界之第一位上等最靈神。無論東亞西歐。莫不頂祝馨香。以崇奉這財神爲處世之第一尊旨。而今日之我南民族。其敬仰之熱誠。臻於極點。其奉事之方法。達於圓滿。尤爲東西各國所不能及。云。今當細察金錢。何以弄得恁地最大之勢力。這勢力果爲正當之地位否。與夫吾人之對於金錢。當如何位置。爲錢之主人耶。抑爲錢之奴隸耶。能利用錢。抑爲錢之利用耶。當國民利欲盛行。良心蔽錮之辰代。而能解決此最疑難之間題。想於風化一事。未必非無補云。夫社會者。乃人羣集合之一大團體也。社會之中。有優有劣。有貴有賤。人

品大概不同。雖就法律上固各有無差等之平權。而從實際上觀。自別有最分明之秩序。所謂秩序云者。乃由個人對於社會上之特別價值而成。相形見绌。而優劣判焉。貴賤分焉。然社會上之價值。何由而成就。何從而判斷。固非想像臆度者之所能洞識也。蓋個人特別之價值。即個人所固有之一份精葩。非外假也。從哲學家慧眼上觀。則優劣之所以分者。視此價值而已。然社會中人。未必皆哲學慧眼。故必有至公至正之一表尺。以爲之秤衡。而秩序生焉。是以每社會各有一社會之秩序。何者爲貴族。何者爲上流。何者爲中流。何者爲下流。個人輕重優劣之分。只憑此社會量物之秤衡。以定其當得之品價而已。雖然量物之方法。古今原不相同。古之衡其價值。以精神爲比例。今之衡其價值。以形質爲比例。差以精神爲比例。則存乎人者重。以形質爲比例。則存乎人者輕。而附屬於人者重。存乎人。即個人之道德之智識之才能。原於固有。非由外鑠者也。附屬於人。即個人之地位之勢力之權利。出於繼起。可以襲取者也。由此而觀。兩者之價值。相去奚啻天淵。一則本於吾身。一則由於旁貸。本於吾身。則凡所鑄成之材料。皆出於自己。而不假外求。所謂個人之道德之智識之才能。是也。由於旁貸。則凡鑄成之材料。可憑之外來。而非關自力。所謂個人之地位之勢力之權利。是也。故外來之價值。可以求。則得之。惟何。亦曰。惟錢而已。蓋錢乃世界上。通常交易之一代價。一切可以買賣而得之。諸物質。要皆不出金錢之範圍。夫如是。則地位也。勢力也。權利也。乃社會之公同價值。均可以錢買也。道德也。智識也。才能也。乃個人之特別價值。不可以錢買也。今社會只注重公同之價值。而不計及夫特別之價值。於是乎錢遂儼然爲世界上度人之尺秤。物之衡。而即謂爲社會中秩序之本位。亦非誣也。故滌慮而察由來之原理。又拭目而觀。當今

之現情。知錢爲世界上之主宰。斷乎其無疑矣。獨不觀古人之價值。乃由事業而成。方能見重於社會。上焉者爲英雄志士。烈女高人。功業可以濟羣生。節操可以勵流俗。其次則博學能文。修仁積德。一班人內可以輝耀乎尊族。外可以光顯乎邦家。至於下流等人。亦皆良善勤幹。守分安常。雖無出衆之才能。亦盡個人之義務。社會之階級甚嚴。固不可以間接之方法而躐等也。必也日積月累。下學上達。造成正當之人格。養成高尚之品價。循序漸進。拾級而升。始可趕到最高之地位。夫如是。則道德智識才能。爲正當之骨子。而地位勢力權利。特其附屬焉耳。特其皮相焉耳。有正始有附。有骨子始有皮。相此必然之理也。今則不然。次序顛倒。階級紊亂。以附爲正。以皮爲骨。地位勢力權利。反居道德智識才能之先。遂使人之價值。不以事業爲秤衡。只以金錢爲高下。社會既不以人品爲比例。則必以身外之物爲比例。而所謂身外之比例者。捨金錢別無他著。蓋錢乃世界高顯諸事件之大根源也。試觀今日社會之所重者。何項人乎。英雄志士耶。非也。博學能文耶。非也。良善勤敏等項人耶。亦非也。其所重者。特不過金穴子焉耳。價值之高下。一視乎金錢之多少爲差。家兄豐則頑鈍。反成才智。孔方薄則聰明亦等庸愚。舉社會中所目爲最高級之地位勢力權利三件事。幾盡爲占錢者之一輩人所掌握。而地位之高下。勢力之強弱。利權之大小。又視乎囊金之輕重。何如耳。雖然。地位勢力權利。固由錢而得。而得錢又必由有地位勢力權利之人。二者互相爲因稟。遂使吾人長受金錢之壓制。而不能脫出。甘爲金錢之奴僕。而視若罔聞。危哉痛哉。金錢金錢。君是何物。而功齊造化。德配乾坤。君是何物。鬼耶神耶。而壓制人類。一至於此耶。由是觀之。有錢然後有地位勢力權利。有地位勢力權利。然後有錢。人生斯世。長被此兩者蹊徑之糾纏。而終無解脫之一日。即至畢世。

之功名。終身之事業。亦只營營來往於金錢二字之間。社會中惟有錢者。始能占優勝。而占社會之優勝者。始能有錢。由內達外。自近及遠。處處惟見金錢二字。自他有耀。隨在生輝。不啻日月之炤臨。於人寰也。惟其有錢。始有價值。無錢則無價值。是以一班社會中人。自上而下。千方百計。只求以達得之目的。路中紛紛。行人悠悠。載馳載驅。惟錢是求。低賤所不辭也。殘虐所不恤也。廉恥所不顧也。不過多得錢耳。善於營錢者。謂之道德。巧於索錢者。謂之智識。工於取錢者。謂之才能。要之阿堵之外。無思想。銅臭之外。無見聞。而并其所以爲人之資格。亦不復存。譬如一帶金山。巍巍在望。合社會中如蟻集。如鳥合之各色人羣。相率而鳧趨蟬逐。以求趣到。此目前所共見之最高峯。其中有多數人。勞瘁病死於中途。終身不能達到目的。其能達到者。特不過疾足爭先之少數人耳。異哉斯人也。而登斯山也。想自一攝衣而上之後。精神眩暈。頭顱疼痛。如癡如呆。如昏如迷。如見有黑暗之尺霧。障蔽塵寰。及一陟乎其顚。則此身已不覺轉而成石。人世畢生之歷史。大都如是。吁可痛哉。夫以金錢如此其珍貴。社會中人既公認爲無價之寶。竭心力以營求之。及其既得。而個人之品行。不惟不能進於優美。反日淪於汚下。可知錢之勢力。原自有一種之蘖根之毒質。隱伏乎其間也。錢之爲害。既若是其甚。故何社會而只知以錢爲惟一之方針。則這社會將必有衰頹之一日。此等理由。古今賢哲已論之詳矣。其言曰。金錢亦如化學質。一班性猛烈而有毒。善用之而有節度。使之與他質融合。則千變萬化。應用不窮。速於電機。猛於水汽。苟不善爲融化。則毒氣侵人。必致有耳聾目瞽。腦血枯澀。消散人之心神。耗損人之精力。一大害。惟錢亦然。善用則民強國富。不善用則國破家亡。何則。金錢可視爲通常之器用。不可認爲處世之目的。若只以區區焉以錢爲命。甘爲錢之

役使。此豈吾人所望於當今之社會哉。蓋以器用爲目的。以方便爲究竟。不惟乖戾乎人道。而且違悖乎天職矣。夫天之賦予吾人。原自有最高之理想。人之生世。所貴乎能崇奉此理想也。宜寔行此理想也。無論這理想或屬於道德。或屬於才能。皆當研精彈巧。悉力謀求。以造成完全無缺之人格。即所謂人道也。亦所謂天職也。人之所以異於禽獸者。以其能盡此人道耳。行此天職耳。使個人外金錢無所謂理想。社會外金錢無所謂價值。則人格何由而完全。天職何由而保守乎。不惟人格不能完全。又日轉而衰落。天職不能保守。又日陷於傾頽。危矣哉。吾人處世。當立一定之尊旨。而終身崇奉之。或對於國家。或屬於天道。或學問。或道德。一切可以廣開吾之智腦。增進吾之品格。之各物類。皆吾之所當尊崇也。至於尊崇金錢。必胥而爲低賤之行。蓋金錢乃壞人資格。損人心神之一毒物也。若其他物質。則不然。無方體。無窮盡。愈升愈高。愈視愈廣。誠能努力而研求之。則理以磨而增瑩。緒以引而彌長。將必有蒸蒸日上之勢。固非如金錢之專制束縛。使人視彼爲世上之極品。而此外絕無希望也。乃知金錢之爲害。不惟阻吾人向進之前途。又能使吾人心田之茅塞。一以彼爲無上法門。而不復知有何世界。譬如印度之數位靈神。責屬下信從之人。終身崇拜。只以迷信爲究竟。舍彼之外。不復知有何等靈神。而凡反對彼之尊旨者。必須合力排擊。務期必勝而後止也。嗟乎。金錢之害。固人人所共知。而在我東洋今日。則其害尤顯然矣。試卽社會中之現象而觀。凡金錢所演出之種種悲劇戲劇。千形萬狀。殆非筆札之所能模寫。凡爲錢而生死於這等冤孽之神者。資格鄙猥。亦非楮墨之所能形容。卽至於爲錢而尊富爲錢而顯赫之一班人。其營錢之計。用錢之法。與夫

卑污諂媚之態。驕矜放蕩之形。想非有法國盛辰戲劇諸名人。不能寫出其本來真色相也。彼鄉村濁富。固無足論。其間亦有自命爲上流。爲錢而表白自家之品行。爲錢而壞固有之身名。至於下流諸人。亦多有爲錢而生出家庭頽敗之危機。骨肉相殘之慘狀。噫。金錢金錢。君是何物。而能施毒手演惡劇。胥人世於酷禍若是耶。曰不然。錢本非惡根。非毒質。並非能賈禍於人世。錢特不過競爭辰代之一靈捷機器。所貴乎用之得其道焉耳。蓋錢一大火礮也。一利烏鎗也。舉千鈞之烏鎗。而威赤子。用後膛之火礮。而射微禽。則非徒無益。而又害之。若用爲守衛國家之金湯。護持公理之保障。則鎗礮不獨爲適用之利器。直可奉之爲救世之靈神。至於金錢亦然。錢之爲物。本無價值。其價值之高下。寔在乎用錢者之人。蓋錢者泉也。一通用之物也。善用之則利。不善用之則害。利害之分數。亦視乎用錢者之得失耳。然則錢也者。非禍福衆生之靈神。乃差派得力之幹僕也。苟御之不得其道。則這幹僕將必有壓制家主之一日。乃觀之世人。率多爲錢所誤者。不視錢爲得力之家僕。却視錢爲救世之神明。於是乎錢遂得以施毒於人羣。賈禍於世界也。今欲享有金錢之益利。而不陷於金錢之毒害。當如何而可。亦曰。當知自尊自重。位置吾身高於金錢之地位。當知利用金錢。而不甘爲金錢之役使。當以處世之目的爲第一尊旨。而營錢之計。特假此以達其目的。如佛家之所謂方便與究竟斯可矣。究竟者。乃窮盡之處。如升高之凌絕嶺。行遠之至於家。是卽吾人處世之高遠目的。絕大希望也。若所謂方便者。特不過間接之方法。簡便之捷徑。用以達到此目的。寔行此希望而已。一則爲正。一則爲附。若以附爲正。則大誤矣。今世人徒以錢爲高遠之目的。以多得錢爲絕大之希望。

不惟自己爲錢所誤。而且誤及錢之功德矣。蓋錢而知用。用之而得其道。自有無限量之功德。苟有美思想有好心地。而無錢以寔行之。終亦不能收其結果。故必有美思想有好心地。以爲之先。然後用錢以寔行此思想贊成此心地。始爲用錢之絕大方針也。是知金錢之勢力最猛。所以爲吾人取用之資料也。人能驅策此猛力。則金錢之利用無窮。故必自高其位置。使吾爲錢之主人。而錢爲吾之奴僕方可。若爲錢之猛力所驅策。則黃金黑世心。不惟失其所以爲人之價值。而反致貽終身之累。不誠可危也哉。觀此則世界上壓制之力。惟金錢爲最猛。蓋其他壓制之力。則人之受其苦辱者。未嘗不思反對。而破壞之。至於金錢壓制之力。能消散人之心神。昏迷人之情性。使人潛入其中而不自覺。甘心樂受而不知非。噫。金錢之壓力如此。其猛烈。苟不一番破壞。排重力而廓清之。則世界上文明之色相。高尙之理由。將一旦消磨而散入銅臭矣。要而言之。錢固爲世界上無限勢力無量功德之一財神。而亦卽爲世界上害人道德毒人性情之一輕物。故國富民強智開德進者。賴乎錢。而民風刁薄人格衰頹者。亦由乎錢。誠世上雙刃之刀兩頭之蛇也。凡有錢者。用錢者。人不當十分慎重者耶。據如英文士之所謂囊中有一仙。亦足爲一仙界限內之主宰。寓言不無過。當然細察之。則寔有確見也。假吾人掌中有一銀元。試觀其營求此銀元及消用此銀元之方計。寔與世道綱常有一分密切之關係焉。不知金錢主義之門下一派人。亦曾一番致念及此否乎。今欲使金錢之勢力不損害乎人格。而有益於社會。必先改良其有錢用錢者之心理。然後補救社會對於金錢之輿論方可。然細思之。則社會之輿論。又當先行補救。而後個人之心理。亦以次而改良何也。錢之

所以占有過當之勢力。於今日者。是由社會中人之不以道德智識才能爲重。而以錢量人價值之貴賤。遂使錢得儼然爲價值上之公比例。舉社會中各項人競爭熙攘來往於逐利無限之岐路耳。目中只知有一錢神。心理中只崇拜一錢神。而捨錢之外。無所謂名義也。無所謂事業也。故今欲一番整頓。必先組織社會上價值之一正當方位。博學全德才能出衆者。以輿論而表顯之。貪財忘義視錢如命者。以輿論而排擊之。雖錢固爲社會所重。而重之必得其道。重在智識人所善用之錢。不重在頑愚輩所妄用之錢。以錢爲競爭之利器。使人占特色於世界。爭優勝於人羣。不奉錢爲至尊之靈神。使人貢獻其生命。犧牲其品行。變社會爲賭場。而胥人羣於騙局斯可矣。夫如是。社會之本源既潔淨。則個人之心理亦從而清高。社會之輿論既公明。則個人之資格亦臻於完好。蓋社會既不以錢爲重。不以錢爲獨一無二之品價。則人人皆棄暗投明。相率而組織一最高最貴之他價值。以求占社會中之一分優點也。雖然就精神上論。則錢固非人所當注重之方針。而從形式而觀。則錢亦世界上最緊需之物質。所謂錢財血脉。諺語曾有是言矣。故欲造成偉大之事業。占有高尚之品價。非錢不爲功。但錢非是處世之目的。乃一借用之方法。求以達到此目的。寔行此目的焉耳。此等目的。乃人人所必有。雖隨個人之境遇之地位之才能之智識。有高下之不同。而其要不過養成完全之人格。造成社會之幸福而已。故政治家之目的。在乎講義理之學。以陶鑄人才。工匠家之目的。在乎制器利用。以輸外國之貨財。雇工人之目的。在乎盡力營生。以謀家庭之飽煖。雖目的有高下之懸殊。而均出於正當。人人各隨其才力而盡。

瘁追隨。求以達到目的而後止。夫惟吾人既有一正當之目的。則金錢乃最簡捷之方便法門。以助其成效者也。然方便固所必有。而目的尤不可忘。蓋有目的則方便始能實行。始有價值。不然。則吾人之困心衡慮。竭力營求者。果何爲哉。今世人亦多有仰憑幸福家財累至巨萬。其資本之贏餘。可以造成最大之功業。雖其所以致然者。蓋不知幾費勞苦籌。惟始享有玉積金堆之權利。然既到此地位之後。尤不可不深思焉。何則。錢非一人所私有。乃世界上之公產也。故金錢在掌握之中。猶吾身負世人之債。錢愈多。斯債愈重。正不可遽恃其有出人之勢力已也。必有一最高之目的。用金錢之猛力。以造成護持社會進引人羣之偉大事業。斯可矣。獨不觀於今日之美國乎。富戶諸人。寔占國中之多數。究其致富之原因。均由經營之手段。非如我國富豪之出於僥倖而得也。此等富家。莫不視錢財如擔重負。甚至有以豐富之基業。爲犯罪於人羣。相率而捐供自己之私財。以助成社會之公益。如學問教育救濟功德等事。或立大學堂。或設養病院。或助人以發明新理。或資人以探險遠方。諸如此類。不一而足。我國民今日之生計。雖云小小範圍。不及美人之程度。然苟知善用錢。則亦非不足以益國而利民。若有錢而只區區爲守錢虜。閉門安坐。終日崇拜這錢神。又安望其可乎。此寔得罪於人羣也。嗟。我富豪諸人。於夜半更深燈前。獨坐之辰。盍不平心靜慮。而撫胸自問曰。當今富有之景象。不知果有顛倒毒惡之萌芽。隱伏乎其中。否。料想少有良心者。莫不悚髮寒腑。推錢神於門外。而送之曰。去。去。使吾之靈魂。今後得以永遠超脫於塵寰。此亦贖罪之一方法也。噫。金錢。君是何物。而猛烈如是耶。鬼耶。神耶。而能禍福於人。若是耶。曰。否。金錢非鬼非神。非專造福非主降禍。鬼神禍福。存乎人而已。

(傳記) 汗漫遊記

四四

● 傳記 汗漫遊記（續四）

阮伯卓

日本之破壞辰期。——大凡一國家於革舊維新之時。國內之風俗禮儀。多不免有青黃不接之困頓的光景。試觀如日本維新初期。人心酷慕歐化。上而政府之政治。如外交軍事。一切仿效歐美。毋論已下至社會之形狀。亦爲驚奇好異喜新厭舊之人心所轉換。洋裝斷髮之徒。遍諸道路。而見有束髮佩刀（俗舊）者。則以守舊目之少年子弟。稍讀西書。稍解歐語。則自命爲國中識者。社會見有學漢學者。則以腐儒鄙之。寢假而老成先輩。亦趨之若狂。男女平權。自由結婚之說。提唱惟恐或後。甚至置身顯貴。贖賤妓以爲妻。官府宴會。學跳舞以爲樂。尤可怪者。如文字語言。乃爲立國根本。而當辰文部大臣森有禮氏。至提倡以英語爲國語之議。欲舉故國原有之文字言語。盡廢棄之。其狂妄爲何如也。他若改良戲劇。毀破神社。凡種種行爲。不管是非黑白。以維新自命。馴至風俗大壞。禮義凌夷。嗟乎。維新之過於急激。而其流弊也。幾變爲黑暗地獄之世界矣。所幸者。日本人之急於回省。故當歐化已達極點之辰代。而保存國粹之風潮。又繼之而起。國學漢學。死灰復燃。神社古寺。復見修理。因此日本固有之精神。不至於泯滅。雖然。天下事不經破壞。則無有建設之一日。日本此後之建設。抑亦因當初之破壞。而促成之者乎。

日本人之學問。——今日吾人遊日本都城。見彼國學堂林立。藹然文物之邦。而且又兼收中國之遊學生。陶冶而作成之。以千萬計。每夕陽殘照。見彼洋洋濟濟之少年學生。結侶爲種種遊戲。則適回憶彼國從前與我亦爲同文之國。亦是同受中國之文化。而其結果也。春花秋葉。景致各自不同。

則又生彼此之比較心。其不自引慚愧者幾希。查彼國漢學傳來之始爲中國隋唐時代。觀西京太極殿之形式宮室皆從唐制可知。其接受中國文化之時期矣。中國文字之所以輸入日本者由初時日本多派學生往中國學佛教而儒教亦隨之而東渡。夫中國儒教傳播之勢力多藉佛教之勢力。吾證之於日本而益信我南國之儒教。寔由佛教而傳播者無疑矣。(參觀本誌漢學之古後觀一篇)漢學東渡之後。日本名儒如安部(即晁監)藤原等不乏其人。但彼雖與我國同受漢學之影響而彼較於我國有特異之優點者二。一則彼輸入漢學只發明漢學之義理而不爲漢學所桎梏也。神武紀元二千三百年間。(距今約三百年)彼國漢學特盛。有朱子學派。德川幕府主張之。盛稱道學正統。次有王陽明學派。(主知行合一)日本重神教故。其最者中江篠樹熊澤蕃山。其次伊藤仁齋荻生徂徠諸氏。而徂徠別爲一派。昌明古學別立門戶。此外又有國學派。主日本固有之學。(日本重神教故)德川時代山崎闇齋者亦講朱學。而於國學毫不自餒。嘗設難以語門弟子曰。萬一孔孟而在奉天子命以稱兵吾國。吾惟死力以拒之。觀此則可知彼國人雖受外來之化。然只尊其教而不受其轄。以視夫我國昔時。纔一接受漢學。則甘爲漢學之奴隸。甚至有尊之爲天朝爲上國者。其學問根性之優劣爲何如也。况日本雖受漢學而不染漢學科舉之毒。除彼國人於昌明道學。闡發理說外。於詞章一科。非不能別開生彩。而不爲無用之詩賦。制藝所能傳播惡劣的種子。觀彼人用漢文作歌有句云。雲耶山耶吳耶越耶水天彷彿青一。譬如萬里泊舟天水津。其佳艷何如也。西南戰爭時有歌云。衣至肝袖至腕。腰間秋水鉄可斷。人觸斬人馬。觸斬馬十八。結交健兒社北客。若來何以酬彈丸硝藥爲膳。饑客若未饜。請以寶刀加渠頭。其慷慨何如也。以視夫我國受漢學所染者。中國科舉之學賦。則日耕萃珍文墨。奉之爲金科玉律已耳。其他都不之過問。噫我人之受漢學的影響亦可謂奇矣。


(傳記) 汗漫遊記

四六

二則日本受漢學。而能利用漢學以發明本國之文字也。觀漢文既傳播之後。而彼國文字。如平假名片假名等種。亦先後相繼發明。由是參用漢和名之爲和文。雖文字不若歐文及漢文之便。然久之亦成爲國文。且和文之著述。亦能樹文學之別幟。我國受漢學千餘年。膠守漢文之形式。於漢學盛行辰代。未嘗發明一種文字。足資普及。雖有南音演讀。亦爲不成形之文字。馴至今日。歐文東漸。然後有國語字之出現。噫。除倫理禮教之外。我漢學輩。寔未嘗發明一種利器。以助國家之進步也。彼國人之接受漢學。較之我國既如此。而其接受歐學。較之我國又何如耶。歐學之傳於日本。始於荷蘭醫學。卽德川辰所謂蘭學派是也。及神武紀元二千零七年。始讀英文。二千二十六年。始遣人留學英國。迨至今日。則國中自中學以上。無不兼通一外國語者。而尤以英文居多。雖然。彼國人學歐文之目的。與我國異。我國人之學歐文者。爲自身經濟的而學習。彼國人之學歐文者。爲人類智識的而學習。其所趨之途不同。故其所得之效果又不同。我國人從前歐學之效果。何如有目者所共見。余無須具述。余只就彼國人之學歐學者觀之。彼人讀外國語。多從事於考究觀察之學。除出洋留學各國。擇專科學習。卒業後歸餉其國人者無論。卽在國中之各學堂中。亦從事於有用之寔學。不僅是爲能言之鸚鵡云者。觀如昔辰福澤諭吉。乃爲彼國人讀英文之最先者。公駕木船赴美洲。從廣東人學英語。翻譯西書。歸設慶應義校。大有維新之功。繼其後者。農工商技藝。多得之於外國語學。一日。余遇某日本學士。彼筆談問我國歐學之效果。於談間。憶彼有句曰。「大凡學外國語者。必先定其學之目的。必先自問曰。吾何以必讀外國文字。讀完此種文字。於我人羣有何等之利益。余之初讀英文也。亦作如是觀。蓋非此文字。則無以求吾之智識之寔學。余欲覓國外之智識。

之寔學。以餉我國人。則不得不借國外之文字。以爲之。而深造其精神。雖曰學。猶未學也。一噫某學士言。亦可謂得學外之道矣。今日之日本。不啻歐化。而之日本也。政治法律教育與歐美無異。而何以致此耶。以其得學外之道也。余今請從政治法律教育三者。略述日本維新後之組織。

日本之政治。——日本維新後。改爲君主立憲國。前余已述之矣。其政治組織。有地方機關與中央政府。地方自治機關者。行其地方之內政。中央政府者。行一國之大政者也。今試先叙地方制度。日本分全國爲府縣。(全國有三府東京京都大阪四十三縣)府縣之下有郡市。郡市之下有町村。府縣置知事。郡市町村皆置長。町村長由地方公舉市直隸於府縣。其等級與郡同。而其治體與町村等。故並稱之曰市町村。市小于郡而繁盛居多。自町聚工商村居農民。自郡而上。謂之半自治體。市町村而下。謂之全自治體。市長中有統轄各府之市者。謂之都制。其治權之範圍。在府縣知事之上。府縣知事俸不過四千。市長有俸至五千者。至北海道廳。冲繩縣爲殖民地。無有自治權。臺灣爲新領地。其權操于總督。日皇不遙制之。試以表示如左。



他若中央政府組織。則日本立國主義。分立法行法兩部份。行法之下分爲行政司法。即如左表。

(傳記) 洋漫遊記

昔辰孟德斯鳩有唱立法行政司法三權鼎立之說。然因司法省經費亦由國會議定而後行。故司法權不可與立法權相對峙。三權鼎立之說今已不適用。而兩權並立爲新辰代之趨向。日本政治亦同此趨向也。日皇爲一國元首。公權歸其統馭。遇一法案。九省大臣上之日皇。日皇下帝國議會議之。即貴族院衆議院之總稱。議決復上之日皇。是爲立法。日皇許可佈告各省。各省照行。是爲行法。其他樞密院元老院專備天皇之顧問。參謀本部直屬於天皇專司國防事宜。檢查院則檢查九省之會計。宮內省則掌皇室之事。試以表詳之。

政府

立法權

貴族院(皇族華族及敕選議員組織之)
衆議院(由人民公舉代表組織之)

總名國會

外務省

陸軍省

海軍省

文部省

大藏省

農商務省

總名內閣以內閣總理大臣統率之

行法權

內務省

司法省

宮內省

樞密院

遞信省

直屬機關

參謀本部

元老院

會計檢查院

其官制則分親仁、敕仁、奏仁、判仁之別。親仁者。日皇自授以爵位。敕仁者。以敕諭授官。奏仁者。各省大臣奏之。日皇授以官職。判仁則長官自辟僚屬。但舉其名。達之政府而已。表列如左。

高等官等級表

| 敕 仁 | 奏 仁 | 親仁 | 二等 | 二等 | 二等 | 三等 | 四等 | 五等 | 六等 | 七等 | 八等 | 九等 |
|--------|--------|----|----|----|----|----|----|----|----|----|----|----|
|--------|--------|----|----|----|----|----|----|----|----|----|----|----|

判仁官等級表

| | | | | |
|----|----|----|----|----|
| 一等 | 二等 | 三等 | 四等 | 五等 |
|----|----|----|----|----|

其國內之財政。則分國稅。地方稅。(府縣)市町村費。國稅者。由國會議定。而全國人民輸納以治全國事務也。府縣稅者。由府縣會議員議定。而府縣人民輸納以治府縣事務也。市町村費。由市町村公同商議。酌收經費。以辦市町村之事。

日本之法律。——日本維新以前之辰代。無所謂民法刑法。只以德川約法百章。爲不易之制。其審案也。全憑諸獄吏之手。且狃於民可使由不可使知之學說。無論官民。求一明通法律者。幾不可得。偶有從事講求者。則人皆呼爲公事師。其鄙賤之。無異於我國人對於宿館唆訟之徒者。明治初年。雖改定刑法。然猶倣明清之制。至五年。江藤新平當司法卿之職。始參酌泰西之律。改定律令。廢磔刑。梶首之各虐刑。且其辰江氏又設明法寮。聘法國法律博士。教日本人以律學。十三年。倣法國拿破崙法典。起草刑法。治罪法。其起草者。法國某博士也。十八年。山田顯義爲司法大臣。以法國某博士

(傳記) 洋漫遊記

五十

編輯民法。商法。裁判所構成法。又命德國某博士編輯商法。經幾許年月。至二十三年。各法典告成。是年所頒佈者。爲民法、商法、民事訴訟、刑事訴訟兩法、刑法及裁判所構成法。而日本之六法大備矣。考維新後。日本之司法權。純爲獨立。不與政官相混雜。其屬於司法院者。則有分爲區裁判所。地方裁判所。控訴院。大審院。區裁判所。則設有判事。地方裁判所。則設地方裁判所長。各控訴院。設控訴院長。大審院。設大審院長。其餘復有裁判所。檢事。執達吏。庭丁。各職。他若辯護者。則因前此公事師之無價值。維新後。欲得法律學之人物。執此業。明治九年。改名爲代理人。設代理人規則。十二年以後。每年一考試。發文憑證認之。至於近日。改爲辯護士。而辯護之人物。從此衆多矣。

日本之教育。——日本維新之後。頒行學制。其初也。注重於普通教育。繼而講求高等教育與專門大學。其教法。則初辰亦擬以日本語講學。然當初情形。各種新學名義。未盡譯出。故日本語之傳授。勢有所窮。故不得已。亦用外國語。屬於國民教育。則用強迫教育。使凡有子弟者。無論男女。年到六歲。當使之入幼學。然繞膝小兒。忽然出就外傳。是無異強乳臭之子。使之肉食。其不至於噎者。幾希。故又設幼稚園。以收容未入幼學之子女。要之。日本學校之種類如左。

(一) 小學。——小學分爲二種。由尋常班而進於高等班。男女滿六歲入學。尋常班四年畢業。高等二年至四年畢業。是爲初等普通教育。

(二) 中學。——中學校五年畢業。以有高等小學之資格入學。其目的與小學同。仍爲養成人格起見。無關職業。是爲高等普通教育。

(三) 高等女學校。——高等女學校四年畢業。依土地情況或得增減一年。程度與男子中學相當。以有高等小學女子之資格入學。

〔四〕高等學校——高等學校。三年畢業。以有中學之資格投入。爲將來大學之預備與小中學校。注意普通者。目的不同。

〔五〕大學——大學三年或四年畢業。研究最高專門學問。仍分科肄業。
計自童子滿六歲入學。統共年限十八年或十九年而學成矣。其學校之階級如左。

大學——高等學校——中學校——小學

〔六〕幼稚園——幼稚園。凡兒童滿三歲者可入。名爲園與學校別。然亦在學堂之內。大旨養成幼孩之心意知識。爲將來受教育之基礎。教以正當游戲。不用讀書寫字。或誘以唱歌等事。使其見聞舉動有所感覺。所謂保育而非教育也。因與小學聯接。故設置多附小學校中。並歸文部省管轄。

〔七〕專門學校——專門學堂。不如大學程度之高。因職業教育種類繁夥。大學難以分設。亦有不能施行於大學者。故立專門學以研究之。其程度與中學相當。須受初等普通教育者方能入之。
有東京美術學校。繪畫。圖案。雕刻三科。十
六七歲入學五年畢業。 東京音樂學校。分聲樂。器樂。歌舞三部。十六七歲入學豫備班一年。本班三年。研究班一年。 〔以上兩校資格

非常嚴重。必須生徒身體合格乃許入學。〕 東京外國語學校。分中國。朝鮮。英俄。法。德。意。西班牙八科。十六七歲入校。先專習一國語。後始兼他國語。這校目的原備出使參隨之用。與他校兼習外國語者不同。三年畢業。 醫學專門學校。大學有醫科畢業爲醫學士。此校程度較遜。爲大學醫科基礎。國中醫生有公用者有二人維新功甚偉。此私立學校之卓卓也。以講求政治。法律。經濟。爲主義。規則甚爲完備。中有大學部。修業五年。

〔八〕寔業學校——寔業學。與專門學相似。前併入專門。近始別農工商爲寔業。有札幌農學

校。在北海道。此校規模闊大。兼有工科與別處農校不同。東京高等商業學校。東京高等工業學校。大坂高等工業學校。工業學校。
比高等工業稍遜。然非小學手工者可比。修業三年或四年畢業。可爲諸工之長。歸府縣立。徒弟學校。
尋常小學畢業入之。四年畢業。速者六月。其教習師。即以諸工匠爲之。日中執業。夜爲教師。此等校有公立者。私立者。

農學校。商業學校。商船學校。水產學校。及寔業補習學校。

〔九〕師範學堂。——師範學堂有三種。高等師範學校。女子高等師範學校。及師範學校。

〔十〕盲啞學堂。——此校之目的。專爲國中之盲啞者。教以普通知識及寔業。如盲者教以音樂。啞者教以雕刻之類。其教法。盲者以點子爲符號。啞者以手勢口狀爲符號云。

〔十一〕其他各種學堂。——除上各種之外。又有學習院。專教華族之子弟。華族女學校。專教華族之女子。陸海軍諸學校。乃練習陸海軍之人才。與夫農商省所立之商船學校。遞信省所立之郵便電信學校等種云。

總觀日本國內。無一人不受學堂之陶就。亦無一處不有小學之設立。蕞爾三島。統計各等學堂。幾及二萬。雖大學專門。寔業高等。各校已達於完全之資格。然其教育之根源。則由於小學。故日本富強之大業。論者不歸功於日清日俄二戰役之將卒。而歸功於小學教員良非虛也。(未完)

● 郭巨埋兒辨

青雙吳爲林初稿

二十四孝一書。來自中國。已歷有年。所。我國前輩。繙繹播爲詩歌。累板行世。不啻汗牛充棟。傳中有爲母埋兒一則。魯魚亥豕之訛。殊爲可駭。夫郭巨旣謂之孝子。爲子能孝。爲父必慈。當此母老兒幼。貧不能自給。權其輕重。揆其情理。則賣兒且得金以供母。事屬兩得。豈有忍心行此傷倫敗理之事。

論駁之。駁埋兒詩。孝子虛傳郭巨名。順親不辨重和輕。無端枉殺嬌兒命。有食徒傷者。母情伯道沉宗因縛樹。樂羊乏嗣爲嘗羹。忍心自古遭嚴譴。天賜黃金爲不平。而邵紀棠先生留珍集。又曲爲之辨護。我國前賢如李公文馥。不能深究。從而演爲詩歌。誠恐勸人以孝者。未必能移人。而示人以忍心之事。或因之以藉口。茲搜得一本。『埋』者。『賣』字聲之訛。而『巨』是『一』字形之變。正本著。日掘坑三尺餘。忽見黃金一畚。云云。謬本著。巨掘坑三尺餘。云云。文理變幻絕相反。亟爲辨駁。爲郭巨訟冤。因以正從前之謬。

■ 阮伯卓謝恩表

這表阮君已於前月上京呈
吏部代爲恭進。姑錄以公衆覽。

臣阮伯卓稽首頓首謹奏爲恭謝

皇恩仰祈 睿鑒事奉接本年五月十五日吏部恭錄

諭旨準臣陞授鴻臚寺卿。臣捧讀之下不勝感激。回京拜命。謹奉表申謝者。竊念臣樗櫟庸材。斗筲賤器。慚無致主澤民之學。徒有忠君愛國之誠。一第遭逢。笑齊門之竊吹。十年流落。悲阮籍之窮途。天涯萬死之餘。已甘斧鉞。地獄數重之下。復覩雲霄。仰朝廷曲宥之仁。

上帝好生之德。憫其非應得之罪。觀過知仁。察其有可採之長。愛才若命。拔於囚虜。

置之清光。微軀方幸其再生。異渥忽驚夫非分。臣感極以懼。進思盡忠。帥府密陪。冀獲半籌之展報。端末議。勉殫一得之愚。尊王明義。此心願學。獲麟之筆。救弊挽衰。無力敢云。扶鼎以絲蒙綸語之褒嘉。撫綿才而忖惕。方補過之不暇。復何功之可言。乃三載之考未行而再命之榮已及。皇恩稠疊。雷霆而雨露殊深。臣分北南海而涓埃曷稱。况世界之新潮荐至。

國家之求治孔殷。外而應辰勢之要求。內而審人心之趨向。百爲待理。庶務方新。何以奠皇祚。泰磐之基。何以得友邦提挈之助。政體如何而盡善。治道如何而休明。國用足而何以惠民。學政改而何以得士。工商進步如何而成效可觀。林海利源如何而富藏盡闢。捧讀今科殿庭之制策。仰見九重宵旰之精思。

帝方思頡日頑英。

收奇傑之才。供爲世用。士亦欲鎔歐鑄亞。舉文明之業。貢於

王前。而臣則受恩太深。毫毛未報。人雖草木。必不謝芳花於潤澤之餘。會際風雲。尤當効涓滴於高深之世。顧蒲柳既經霜之後。而駑駘非捷足之姿。遇浮于才。難免邱山之謗。名過其寔。轉增乘負之憂。戴高履厚之猶慚。此生此日。就日瞻雲。而有喜惟

天茲蓋恭遇皇帝陛下辰憲

天聰日新帝德求才惟恐弗及。

好問而用其中。收爨下之殘桐。不忍委爲棄物。

活轍中之枯鮒。將復轉之清波。瓦雀雖微。幸有高棲之蔭。春蠶未死。定無不吐之絲。臣惟有結草銘恩循牆迪節。敬事而後其食。夙夜無懈於小心。揚名以顯其親。鼓鑄全憑於

大造。臣不勝感激屏營之至。謹奉表陳謝以聞。

文苑古詩摘錄
淇川詩集

留別江樹巢主人竹堂范公司農

庚午典承天試八月

二十五日恭遇萬壽慶節奉準隨班趨拜禮成回舊

骨硬愧彼羲皇人北窗傲酒聖

鳳城煙雨近重陽江樹巢邊菊正黃安得君恩
留數日蘭橈乘月攬幽香

荔枝誌見寄范公司農

溪寒雨漲潦初收欲覓津梁水亂流負海沙田皆作沿沿山桂圃半成洲舊來兵燹重經地况是青黃不接秋此日九重憂正切司農何以
借先籌

讀海涯先生詩集書後

喪師諸將諱捐軀竟借先生掩失圖除卻倉山偏好事誰從靈海覓遺珠

臥病書懷

溽暑晚更熱海風晝逾勁池涸舊痕消簾疎遊塵迸靜耳怯喧囂浮蹤絕將迎感恩成淹留臨

(文苑) 古詩摘錄

事更浪孟典郡忝承宣及人乏佳政誓將掛冠去避此素餐評柴門渺天末客懷隨地覩杜甫無家別相如長年病區區簿書間冉冉年花更榴火殷籬紅松陰落階淨吏退覺公閒臥久嫌
翎鎧藤鎗塞下來滿城爭覩使車回謾傳吏事催年老早見軍書倚馬裁漓水舊屯妖草窟橫山新壘亂雲堆蠻溪自古稱叢莽彩筆憑君試一開

奉柬雲麓阮恂叔內閣

珥河之水真南來萬里浩瀚驅雲雷批崖撼岳勢莫遏雪山駕空高崔嵬君家近在珥河側中州間氣鐘雄才胸中波瀾挹不竭日與河勢爭喧豗名尊詞林壓餘子望重麟閣聯上台論交宇內儘名士落筆都下推鴻裁竭來寄我日邊書勸我忠告音不疏才高語下意彌篤如厭瑤

柱思野蔬書未苦索瓊瑤集集中贈答皆應徐
燕南趙北聚一室韓潮蘇海同歸墟憶昔校書
登石渠青黎炤夜簷蟲魚往往獲觀大手筆廟
堂冠冕羅瓊琚金臺衆作等蟬噪燕石未可敵
璠璵知君雅意重聲氣欲拉異域歸庭除嗟余
淺薄忝後進想望風彩欽文譽十年南海滯戎

馬兩度京邸陪高車分花貯月共真賞垂簾對

雨偏相於邇來蒿目守下邑老我不材成大樗
區區吏役不足道種種余髮將何如回頭玉堂
迴天上太息詞賦眞子虛南來舊遊倘不棄辰
寄佳句慰離居城頭詰朝新雨過筆山爽氣生
衣裙題詩贈君意難恢臨風悵望空蹰躇

送平山范璣翊善

六月義州城海風晨烈烈之子遠言邁長途觸

炎熱十年飽家修一命趁朝列萬里始斯行勿
憚勤車轍况是所經途山川正佳絕雄關高插
雲衆峯聳奇傑飛泉出樹杪炎天灑白雪行行
度香江江水清且冽可以濯我纓亦以洗塵渴

豈如衡茅下屢足誦舊說宇宙如許大螻螻守
一穴聖朝重師資諸公皆折節翊善雖微官
啓道寔親切益府進良規假山片辰撤羣玉對
世務國器高譽揭行矣勉加餐努力希前哲

◎今詩選錄

▲夢桂庵詩草

教授 阮鼎珪

謁張升甫太傅祠墓

桑梓還祠廟先生尙有神荒邱終在此太傅詩欲辨荒邱埋
骨病香瓣屬何人隴樹啼鶯暮漁磯蔓草春千秋
一杯土長與翠山鄰

花前獨酌

酒向花前酌花香惹酒杯心虛教竹伴眼倦爲
山開朝市不可問彭聃安在哉今朝有快事魚
美足羹材

雲江早發

手揖青山去船衝細雨開波涵天一色帆挾鳥
雙迴漁艇寒猶泛屯雲凝欲頽携壺虛有酌幾
訪笛山來

漫與

歲序遲。逢閏。農家迫。有秋。鄰謀修廢堰。奴議換疲牛。課女摹朱帖。教婢補黑裘。此詩雖漫與。他日稿應留。

立冬日出門南遊書觸目

戶限不可處。出門還惘然。村墟新潦色。風翳早。冬天湖海空。鬚鬢兵戈尙。歲年青。帘前路近笑指杖頭錢。

其二

日漏村烟薄。雲低野水涵。閒遊仍酒伴。小憇偶僧菴。牛背童眠懶。漁磯鷺下饑。物情欣有適。放浪住東南。

聞雁七言律詩以下十二首

嘹唳雲邊旅鴈聲。夢回孤館客心驚。千山落月寒。霜杵一葉西風下。古城幾日賓龍來。尺素祇今牧馬尙連營。南冠淚盡蘇君節。誰向關河問死生。

春日上舊藤城門樓

不到西門六過年。重來城郭變荒阡。苔封古井。

空殘凳。草沒行宮。有斷碑。睥睨自從春鳥號。觸體閒抱老。孤眠垂楊。不解東風恨。猶向前溪舞淡烟。

黎大行帝祠

十道威聲孰與儔。平占抗宋武功優。加袍儘祖陳橋智。撫座終貽典午憂。蓮洞鶴歸丁代月。木棉花老李宮秋。青山不管興亡恨。祠宇依然傍古邱。

曉雨漫興

避客柴門久不開。深深庭院長莓苔。雨絲斷續和愁滴。風鐸璇琤喚夢回。衫薄補綿裝舊製。泉甘淪茗試新焙。紛紛朝市方酣戰。不分癡童鼻正雷。

郊行

郊行難得是春陰。聊藉閒遊豁晚襟。橋斷人環溪路窄。村遙牛帶隴烟深。野花尙記山中曆。水流如傳世外心。薄宦宜休行自念。歸耕莫待鬢霜侵。

春愁

無限春愁到酒樽。竹扉細掩近黃昏。池塘水落萍黏岸。簾幙風斜燕避軒。半世雄心孤劍覺。十年長物舊貂存。神仙富貴渾閒事。贏得盧生一枕溫。

寧城送鳳樓段宣秀才入都

短翮春風久倦飛。送君復此理征衣。故鄉人向他鄉別。身事誰教世事違。床水夏深蓮作蓋。平關成古柳成圍。前程努力休回首。頻得回風托鴈歸。

次韻送阮太史歸清化別墅

玄觀桃花一再攀。太史甫自都歸重尋舊夢碧雲間。鯨波浩蕩漁舟穩。鶴序聯翩鶴夢閑。避世何心師小隱。著書從此滿名山。烟塵不到盤阿路。叢桂招邀幾往還。

立春後一日晚晴學署前閒眺

斜陽倒掛半籬明。淡掃寒威送嫩晴。晚市烏啼人漸散。曲溝潮長岸微平。樵烟繚繞歸山路。牧

笛蒼涼下阪聲。門外稻田青覆水。歸遲方悔失躬耕。

己亥人日

人日題詩欲寄誰。清愁繚繞雨如絲。去官始覺人生貴。獨坐翻憐日影遲。濁酒尙餘春自在。寒花有待晚尤宜。從今留得閒身住。身外悠悠總不思。

其二

四十歸耕齒細民。綠梅花下兩逢春。詩歌半落陶公趣。菽水何傷仲氏貧。運啓五洲方喋血。道亡千載孰傳薪。吾心自有桃源在。無事南陽遠問津。

二月病中

春事闌珊日漸遲。江亭柳弱不勝吹。移花如意剛逢雨。去疾無方愧學醫。簾外新鶯同我懶。鏡中霜鬢久吾欺。地球未歷身將老。且補牆東舊竹籬。

賀新進士鄭君有升 阮其楠
人才如百花。所爭遲早耳。梅花嘗早開。遲杏亦
春意。我國重甲科。有之自陳始。後乎李及黎。此
途日增貴。其學由孔門所重在倫理。往往多名
人。炳彪列前史。吾皇登極初。前光用敷賁。世
運方日新人文以辰異。吾皇急賢良。四年兩
庭試。今逢己未科。御題頗諄摯。策問首文明。
辰政且詳備。會題兼法文。庭對惟漢字。此爲最
後科。帝心存國粹。君家本名儒。人道康成里。兄
弟俱孝廉。一門濟其美。廿載游京城。間得之奇
氣。所以臨文辰於言。無所諱。考官未敢收。天子
顧而喜。琴絃雖已更銓衡。本公器。一甲近來難。
二甲亦虛置。三甲凡七人。君名居第二。同爲月

下人。猶勝雲中子。一著且讓人。善棋毋乃是。番
之千里程。力行當自至。番之殿歲花晚香。仍未
已。伊予愧頰唐。屢經辛苦地。大嚼亦快心。爲過
屠門肆。賀君還自思。中夜奮然起。唐選更漢科。
宋朝重進士。八股盛於朝。變通何所止。吾人要
識辰。逢辰宜若此。我命君造之。如何可無愧。人
云我亦云。文章千古事。

賦得此花開盡更無花
得花字

花事年年興轉奢。可憐菊盡更無花。吟殘老圃
猶他日。留住芳叢有幾家。爲汝低徊孤夜月。教
儂惆悵憶春華。紅情綠意終無盡。爭奈東籬日
影斜。

和條約。以維持既克復之世界和平。又念德國對於法國不意之攻擊。不但法國受其禍。且爲講和條約簽字諸國之禍根。而於對德講和條約中所規定關於萊因河左岸地方之條項。對於法及美國尚不足爲完全之保障及保護。因之兩國代表者就左列諸項。互相同意。

(一) 六月二十八日。於梵爾塞。旣經簽字之對德條約中所載關於
萊因河左岸地方之各條項。如左。

七月二十五日。東京時事新報云。七月二日。法國外交部公布之美法協
約。本文如左。

北美合衆國及法蘭西共和國政府欲依六月二十八日簽字之對德講

▲ 談世界之部

美法協約原文

▲第四十二條。德意志不得於萊因河左岸及由該河東方五十基羅羅米達之綫以西之萊因右岸地方維持及建設防備。

▲第四十三條。於前條規定之地域內凡武裝軍隊之維持及集合各種軍事的演習及以軍隊動員為目的之一切永久事業等不論為一時的或永久的皆不得行之。

▲第四十四條。德意志若侵犯右記三條之規定時不問其方法如何。

皆當認為對講和條約簽字諸國之敵對行為而攬亂世界之和平者。右記諸規定對於法國不能確信適當之保障及保護時美國對於德國向法國所行不意之故勢有立即援助法國之義務。

(二) 現協約國與之同時以同目的所締結英法兩國間之協約國以同意義之文言表示之至後者批准之日起發生效力。

(三) 現協約須提出於國際聯盟會議以會議之大多數受共承認而右協約由締約國之一方提出待聯盟會議自認得確保完全之保護及會議大多數之決定始發生效力。

(四) 現協約須於批准之先提出於法國議會議會得其承認又同時提出於美國上院與梵爾塞講和條約同樣經該院之批准而現協約批准之交換須於講和條約批准書納於巴黎之同時或其後務必迅速行之。

△對奧和約新條件之內容

歐會對奧和約最近協約各國又因歐局形勢更新復將內容改正並已交付奧國代表據路透社巴黎二十日電謂和會秘書杜氏本早在聖孔孟尼將對奧和議條約交與奧國總代表廬尼爾氏無甚禮式該和約附

克理孟素氏公函一件限奧代表等十日內以文字陳說一切且申明該條約即對答奧國各公文云云修正之要點如下。

▲領土條件。—奧國與匈牙利捷克斯拉夫之邊界現經修正將口操德語人民所居住之各境界劃入奧國境內設埠頭砲台於多瑙河右岸波勒斯堡之南。

▲兵備條件。

—奧國陸軍不得逾三萬人應於三個月內裁減至於此數強迫徵兵制度應行廢止而代以自願投軍入伍之法庶能實施軍備之普通限制奧國陸軍只能作維持內國秩序及防守邊界之用各軍官當為常備人員現今留用之軍官應服役至於四十歲而新進入員應承認至少連續服役二十年未受委任之軍官及兵卒等應註冊至少連續服役十一年其入伍之六年在內奧國陸軍之器械應於三個月內按規定詳條裁減而其逾額之彈藥等應行交出至於軍需應在一國家管理之製造廠內製造而軍需品之進出口一體禁止。

▲賠償條件。

—賠款委員會將於一九二一年五月一日通告奧

國付給賠款之限制其期分為三十年委員會自應察及奧國之財源然按現行賠償之條款各商船漁船及內河艦隊百之二十份應於兩個月內移交奧國約定復還其所侵佔之境界且應於三個月內將家畜牲口若干交還意大利塞爾維亞並按歐戰以前之進口辦法准予採取材木鐵礦等五年奧國約定前十年內由侵佔境界所掠取之古物美術品及文件等一體復還但對於意國方面其期當由一八六一年起並陸軍鎮守之費且於一九二一年以前不得轉

連現金出口。奧國分設之新邦。按賠款委員會支配。各應担负歐戰以前之奧國債務一份。奧共和國應完全担负前奧政府之戰事債務。但各新邦當承領其境內之戰事債券。關於協約國及德匈勃土或前俄國境內之國際財政商務等機關。奧國放棄其各種權利。並承允將儲存為抵押之現金交出以還土國債務。

▲其他條件。——奧國又放棄卜加勒斯多及貝勒斯里洛司克約條所有之利益。並將戰事時對於前聯合等之權利讓與協約國。凡經濟之整理如銀行保險等項分拆帝國所應行者。各政府應當訂約規定。或由賠款委員會派員公斷。至於鐵路准歸私人公司之條件。當由承

◎亞東之部

△日本學生團致中國全體學生之意見書

吾人祇知各國外交政策。由政府所主持。然我亞東中日兩國。自歐洲和約簽定之後。中國因不能達收回膠洲之目的。彼國民對於日本轉生惡感。唱之者為北京全體學生之停課。繼而各省學生響應之。又繼而各商界罷市。其結果也遂成爲抵制日貨提倡國貨之運動。夫此次中國學生之態度。雖對國之效果何如。不得而知。然不可謂非青年輩之愛國也。亦不可謂非外交之後勁也。日本學生受此風潮之擊刺。亦爲其自國計謀挽回之方法。乃因今年暑假辰期。派代表團遊歷中國。以聯絡兩國青年界之感情。中國之學生所提倡者。曰表示民意。日本之學生所宣言者。亦曰表示民意。然則今後此兩國之民意。其將以青年輩爲基礎乎。但要之亦學生之國際外交也。中國學生之行動。各報已記載之矣。茲吾儕請登錄日本學生致中國學生書之全文如左。

受者與國家商辦或呈交國際聯盟會公斷云云。又據二十五紐約來電。述該埠各著名報紙對於奧國和約之評論如下。紐約太陽報云。此次奧國之捐失顯然較德國爲鉅。惟奧國今日所償付者。實數百年累積之宿債。其對於戰勝國之賠償尚遠不及。往日受其壓迫各民族之賠償之鉅。紐約太晤士報云。奧對於各種衝突之要求。皆已盡調和之能事。俾得圓滿解決云。杜里本報云。奧國實自召禍殃。今次和約之規定。致國家分裂。即其愚妄之報云。世界報云。奧國刻已降爲四等國。且不能儕於寡人政府之列。至於德國現時仍爲一大國云。

(辰談) 亞東之部

六二

日本學生代表團來華。經謁總統府與秘書長吳世湘談話後。乃在北京發表意見書。其書云。

中華民國學生諸君鑒。余草此文之先。謹以一語祝諸君之健康。余在日本居常想慕貴國文物。屢欲來華與青年諸君相見。今幸達其宿願。獲與貴國人民寔行接觸。悉貴國民意所趨。又得以此書奉達於民國惟一有識階級學生代表諸君之前。且卽日可與諸君晤面。披瀝肝膽。余之心之幸復何以加。余爲日本早稻田大學學生。生於鹿兒島阿允根村。偉人西鄉隆盛余之同鄉也。余父在鄉極攻漢學。精通老莊哲學。余雖不肖亦曾讀過老莊之書。方余束髮攻書。余父卽授以四書五經。年十七誦史記通鑑。十九讀左傳。二十讀老莊。余母暇時亦會授余三國志水滸傳各書。總之余生長於漢學者家庭。而教養於漢學者家庭。以此緣由。余今雖略通泰西哲學思想。而對於中華之文明老莊之哲學。寔私淑不置也。余之縷論履歷。蓋欲諸君知余爲何如人。余之現在性格。其來有自。余踐斯土已越兩旬。益覺貴國人民可親可敬。今且以歸國爲苦。此非好爲巧言。蓋由衷之語也。頗聞北大學生對於日本及日本人恒抱不滿。適因山東問題發生。排日運動。乃更劇烈。當時余在東京遍讀各報所載。終以不明真相爲恨。後潛思默考。而知華人對日之反感醞釀蓄積。已非一朝一夕。而其致此之因。則由日俄戰後。日政府對華外交一本侵略主義。馴至激此反動。咎由自取。中國方面寔情有可原。今欲洗滌宿嫌。言歸和好。自非尋常手段所能爲功。因此之故。余此次來華目的所在。期與中國智識階級之學生諸君披誠相見。而謀亞細亞民族全體之融洽云云。

東京早稻田大學學生掘切音文原田政治等上言。

七月三十日。

●國內之部

雲屏尊室琅

慶賀歐洲和局告成大禮

貴保護國與同盟列強以全力國軍持平公道挫德賊之貪黷凶殘使德國之臣若民城下乞盟。本年西六月廿八日降書記成捷音宣布益仰見貴保護英聲義譽洋溢全球而我國勤王赴援之師今亦凱歌振旅壯士還家榮幸爲何如經奉皇上寄電敬賀監國殿下茲全權大臣欽使大臣商定開慶賀大禮於京都及各地方所以告成武功而聯絡我東洋友邦義聲敵愾之好情也十二日晚五點半各教堂舉行陣亡將士祈魂禮六點半發賀炮城庸大張燈火環城內外衙署庸面六縣之各鄉村均以是夕張燈懸旗爲始香江中大燈綵船則尊人府文武班候補國子諸座通記承府六縣四帮及城庸諸貴遊花舫皆結構花麗鬪巧爭奇極一辰之勝欽使座前豎凱旋門一座用花葉結成飭以羅綺又於各大街每七十尺豎蝴蝶燈架一釘掛五色玻璃燈架約二百餘焰其下長貫電繩綴以瓔珞電燈各樓座飛簷屋角曲檻迴欄及香江鐵橋連絡花燈電燈月光燦爛交輝如懸金珠赤玉蹕路公署掛插大法同盟諸色旗幟八點半演燈隊自東南門繞過六部出上駟門循場錢橋至欽使座環繞數週直抵府甘火車站復還嘉會橋止九點半放金花炮于旗臺旗柱上升大方黃旗四傍珠貫花燈綵旗御屏山嶺結綵亭花燈千焰環樂亭(Circle)設夜宴樂舞筵全權大臣欽使大臣諸貴夫人赴會恭邀皇上幸覽十三日早五點賀砲六點貴隊兵蹴球于國子監前八點半男女盛粧賽象棋于球場之右東華市演雜戲發賑十二點賀砲五點舉行賀大法國旗禮是點欽使座花園前西向設木臺三層上安母國古后像後豎長旗竿左右欄檻被以花葉插同

盟旗。貴女四扮作亞撒盧連人服飾。立臺之二層。第三層。則男女十五人。各扮同盟列強衣裝。執國旗號。傍列法弁兵。習兵從征兵。後列各場西學生執三色旗。東面設龍座。次設椅坐。五點十杪奉皇上駕臨。全權欽使列憲文武大臣按位坐定。舉喜箒。列衛兵捧槍行軍禮。童子一人進前揚大法旗。宣得勝詞畢。欽使大臣出位。宣讀演文。大略稱揚大法榮光。同盟將士勳績。德之詭暴。終於敗衄。我國親愛聯絡之感情。詞旨感慨激揚。聞者心愜意悅。拍掌稱賀。再舉喜箒。繼列憲大臣恭陪。

皇上至凱旋門覽賞各式綵車。車式或裝結百花插掛同盟旗號。載男女童爲列強之飭。或製潛艇魚雷之形。奔馳環繞城庸街市數遭觀者。擠塞道路。鐵橋臥波。搖然若動。鞭絲帽影輪蓋鞋痕。滾滾紅塵中。無不爭先暢覩和平景象。江上則舳艤。舸艦迷津。香江潮長水咽。爲之不流。自十二日至十四日京城闔閭。列肆陳百貨。山海珍奇。酒樓茶居。芳醪玉液。豪談茗戰。日夜流連。影館劇臺。聽遊人賞玩。不收分文。如入五都之市。三島之遊。奇觀哉。七點半。中圻使座南官友愛會合智體育會設開闢壇。拔度西南陣亡將士。兩會主蔡文瓚。御前通事使座參佐充黃燕。會理座判事新科副榜代表會中員人。恭迓全權欽使。機密院列憲大臣光臨于八角綵亭觀禮。先期會員各齋戒禮延祥雲寺高僧詰摩上人。爲本壇大證明及僧徒十四員。上人雪眉霜頂。古貌慈悲。戴七佛帽。披大紅袈裟。文履衆僧具服如儀。拈香登壇。諷誦經文。宣揚地藏王接引菩薩寶號。加持往生淨土神咒。會主黃燕恭行頂禮。其牒文略云。

竊念爲國捐軀。英雄之氣留千古。挽河洗甲。男兒之志在四方。當國家有事之秋。正豪傑奮身之日。或從征壯氣。或報國丹心。忠臣不顧殘軀。義士何妨赴死。蓋勳勞垂萬古。卽姓字活千秋。頃者普賊恃強蓄四十載之雄鋒。將以擾五大洲之定局。試兵法國。欲伯全球。惟肆虐以殘生。徒示威而啓釁。真正之人權掃地。鷄山草木皆仇。暴橫之虐焰衝天。紅海波濤亦怒。環球列國。均爲公理而奮同仇。暨我炎邦。亦報深恩而來助戰。熊桓一奮。獮吼退藏。茲惡賊途窮。成餓虎乞憐之勢。蓋公平理勝。破強權吞併之謀。西去年十一月十一日停戰書成。西本年六月二十八日和約簽認。西境之雲霾盡掃。東山之戍役高歌。共慶昇平之時。當念陣亡之士。云云。

十四日早五點升砲百一响。大閱師團于午門。七點城中鬪機車馳馬。東華市懸賞諸雜戲劇。十二點賀炮晚四點。香江競船五點舞刀劍角武技六點半。欽使座設慶賀大宴。恭邀皇上駕臨。全權欽使統兵大憲文武機密院列憲大臣監牧尙師預席十點。各司所六坊四帮于座前賽鬪四靈神仙人物禽獸花菓各種花燈舞瑞獅象虎諸戲。十一點開樂舞筵。十二點奉駕回宮慶賀禮完。

京歸紀述

本年西七月十六日。卓得假回省順道詣闈拜謝。新命十八日抵京。十九日先候謁住京。欽使大臣節駒。大人以政治經驗家。建節於南國首都。翌贊我皇。施行百政。終日盡瘁國事。不遑暇食。其接人也。以溫和其交際也。尙禮度。前月大人曾許卓等知大人所懷之政見。爲愛民之政。大人本愛民一念來爲我中圻之向導師。期使中圻人民得享其賜。聞大人不日亦擬遍往圻內各轄。採察閭閻情狀。以謀救濟方法。卓入見後。繼往六部候謁各部大臣辰奉。駕御廊沽乘涼。學部大臣胡大人謂宜等候。駕返方便瞻拜。抵南曆六月二十六日。(西曆二十三日)蒙準望拜於勤政殿庭前。蓋其辰。皇上雖已回京。然因玉體稍違和。尙駐蹕安成宮。(宮在安舊江濱卽爲昔日之潛邸)

靜養拜。命後於星期日。(南曆七月初一日)西七月二十七日恭赴安成宮請安抵。宮門辰纔早八點。而聞內侍傳道聖上已早起矣。且皇上本勤政愛民之念。宵旰不遑。故宮中常早起。聞部中各官傳述。從前各部臣入侍請安。有待至八點鐘而後敢上請安牌者。今則宮中已於六點辰早起。故可於七點辰請安。辰卓入直房已有學部大臣胡大人先入候。故少待將近十點蒙準入見。入見辰準免拜。皇上坐於客廳。卓立侍其旁。雖堂簾之分。而視同父子之親奉。皇上面諭北圻人民於

北巡後其民意何如。卓謹奏北圻人民於迎駕後得近挹天顏以爲國有長君則望治之心愈切奉諭問辰仰見皇上一視同仁之至意仍以北圻遠隔天門每爲注念皇上亦曾贊稱保護政府開導之政策每孜孜焉欲我國民當如何承順保護政府開導之辰機而謀進步。

皇上訓謂朕一人當此有可爲之辰機對於國計民生極爲懸念知今日國民必皆懸望於朕一人然朕尤望保護政府察我民之情勢以謀改良政治之妥洽又尤願國中官若民各竭忠誠秉公心以期進化皇上又訓用人之道雖知新人物爲有文明的形式然舊人物亦不可缺朕以爲新舊參半爲妥當又訓我國亦多聰明底人然彼輩不知珍重涵養以供國家之用祇用盡其聰明遂成廢人寔深可惋惜奉面諭辰極表溫存之丰度雖經違和後而精神健旺卓不敢久候恐勞聖躬俯乞恭赴兩宮請安蒙準允並囑侍衛臣一人引行卓拜謝出宮其辰已十一點餘繼隨侍臣向紫禁城候拜兩宮由閱是門入行廊迂折經過乾成殿後面先詣聖宮次詣仙宮各於直房停候由宮監入請懿旨均蒙準免拜賜茶奉聖宮傳問北圻之農務及米價卓嫌不得其確寔僅憑傳聞以對是日也爲卓拜獻先資之日而又爲一生歷史最有榮幸之日以草野書生獲瞻天顏親聆玉諭皇恩優渥誠感激流涕不知所云惟有歸述德音登諸報章俾我國民人人皆知我皇憂國愛民之至意并卓此次回京候謁各部大臣及各列憲大人均見慰懃慰問北圻人民生計之情形及北圻各大官之近狀卓今敬述其語以轉呈諸北圻官紳父老者此謹誌。